

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن برمجیده اخذ
ایدیلور

نسخه سی ۴۰ باره در

تَبْلِغَات

سنه لکی در سعادت ایچون مجیده
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ باره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَوْجِیْهَات

وظیفه مأموریتی حسن ایفا ایتکده اولمسنه منی
بک اوغلی بدایت محکمه سی مستنطق اعضاسندن عزتلو
احسان بکه ترفیعاً رتبه ثانیه صنف ثانیه توجیه
بیورلمشدر.

تَبْلِغَات

قاضی کوبنده قزل طوپراقده ساکنه متوفی
رفت بک حرمی ام کلثوم خانمک امنیت صندوقه
مرهون خانه سی اتمانندن متباق التمش ایرا، خانم مومی
الیهانک رکس قافیه اولان بورجی ایچون اسکدار
ویوانا کی به اولان بورچندن دولای دخی در سعادت
بدایت محکمه لری قرار لریله حجز اوله رق مبالغ مزبور
هم اسکدار همده در سعادت بدایت محکمه سی اجرا
دائره لرندن طلب اولنمقده بولندیغندن بخله بو
اچهنک قننی طرفه تسلیمی لازم کله جکنک تعیینی
حقنده تجارت و نافع نظارت جیله سندن وقوعبولان
اشعار اوزرینه حاجزلرک تعددی و محجوزک عدم
کفایتی حالنده سبق و تقدمه اعتبار اولنیوب هر برینک
محجوزدن حصه سنه کوره غرامه استیفای حق
ایللری اصول محاکمه حقوقیه قانوننک ایکپوز طقسان
بشنجی ماده سی احکامندن اولمسنه نظراً دأرتین
معرفیه استحصال مطلوب تشبثده بولنان داینلردن
هر برینه مطلوبی نسبتنده اصابت ایده جک مبلغک
صندوق اداره سنجه بالحساب تعیین و تفریق اولنورق
دأرتین مذکور تین تحصیلدار لرینه تسلیمی لازم
کله جکی انجمن عدلیه دن افاده وعدلیه نظارت جلیله
سندن نظارت مشارالیه یاه اولوجهله جواباً تبلیغ ماده
قلنمشدر.

مَحَاکِمَاتُ مَقَرَرَات

در سعادت جناب محکمه سنه:

اوروپایه فرار ایتدیکی ادعاسیله متهم بولنان
قره سی پوسته و تلغراف مدیر سابقی سلیمان
شکری در دست اولنه مامش اولدیغندن تاریخن
اعتباراً جانب ریاستدن کندوسنه اون کون
مهل اعطا قانمشدر مهل معین ظرفنده کلدیکی
حالده قانونه اطاعت ایتماش نظریله باقیله رق
حقوق مدنیه دن اسقاط قلنه جنی و علیهنده
دعوایه قیام اولنه جنی و محاکمه غیایه سی ائاده
اموالی حجز اولنه جنی و بوضروده برکونه ادعایه
حق اوله میه جنی و بالجله ضابطه عدلیه مأمور -
لرینک کندوسنی طومغه مجبور بولندقلری
امری اعطا و معامله حجزیه حقنده دخی مدعی -
عمومیلکه تبلیغات مقتضیه اجرا ایدلدیکی جهتله
اصول محاکمات جزایه قانوننک اوچپوز یتش
برنجی و اوچپوز یتش ایکسجی ماده لرندن
استنباط اولنان احکامه توفیقاً اشبو قرارنامه
بالتنظیم اعلان اولنور.

محکمه تمیز استدعا دائره سندن بر صلاحیت
ماده سی حقنده تقضی حاوی تنظیم و اعطا قلنان
۸ مارت سنه ۳۱۹ تاریخی اعلامدر:

در سعادت بدایت محکمه سی استنطاق دائره سیله
ادرنه ولایتی هیئت اتهامیه سندن ویریلان قرارلرک
یکدیگرینه مابین اولمسندن طولای تعیین مرجع دعوی
طلبی متضمن محکمه مذکوره مدعی عمومیلکی
طرفندن ویریلان ۲۱ کانون ثانی سنه ۳۱۸ تاریخی
استدعا نامه و اوراق متفرعه سی باش مدعی عمومیلک
مأموریت بهیه سنک ۱۷ شباط سنه ۳۱۸ تاریخی

تبلیغنامه سی ایله برلشدیرلرک محکمه تمیز استدعا
دائره سنه تودیع اولنمقله قرائت و مطالعه اولندی .
اوراق مذکوره مألرینه نظراً سرقت ماده سندن
طولای مظلون علیه اولان دیمترینک دائره استنطاقه
اجرا ایدیلان تحقیقاتی ائاده مرقومک جانب
ضابطه دن مملکتی اولان شارکوی قضاسنه اعزام
قلندینی اکلشلمسنه منی استنطاق دائره سندن دخی
بوابده اجرایی لازم کلان تحقیقاتک قضاء مذکور
مستنطقه عائد اولدیغنه قرار ویرلش و مذکور شارکوی
مستنطقه کنجه دخی محل جرم اعتباریه تحقیقات
مذکوره نک اکللی در سعادت مستنطقه عائد بولنش
اولدیغنه قرار اعطا اولنورق اشبو قرارک دخی ادرنه
ولایتی هیئت اتهامیه سنجه بالتدقیق تصدیق ایدلش
اولدیغندن شوصورتله در سعادت مستنطق ایله هیئت
اتهامیه قرارلری بیننده حاصل اولان اختلافک تعیین
مرجع صورتیه فصلی محکمه تمیزه عائد بولندینی
بیانیه مقتضای قانونینک ایفای استدعا و مارالذکر
تبلیغنامه ده دخی مظلون مرقومک جانب ضابطه دن
مملکتیه اعزام قلنش اولمسنه نظراً تحقیقات مذکور
ره نک اجرایی شارکوی مستنطقک صلاحیتندن
خارج اولماقله ذکر اولنان مضبطه اتهامیه نک تقضی
لازم کله جکی انبا اولنمشدر.

ایجابی لدی المذاکره اصول محاکمات جزایه
قانوننک الی سکرنجی ماده سی مندرجانه نظراً
مظلونک اقامتکاهی محکمه سی مستنطقک دخی اجرای
تحقیقاته صلاحیتی اولدیغنه و مرقوم دیمترینک الیوم
شارکوی قضاسنده مقیم اولدینی اکلشلمسنه منی
قانون مذکورک درت یوز اون سکرنجی ماده سنه
توفیقاً ذکر اولنان هیئت اتهامیه قرارینک تقضیه
قضاء مذکور مستنطق کنجه اجرای تحقیقات ایدلک
لازم کله جکنه ۸ مارت سنه ۳۱۹ تاریخنده متفقاً
قرار ویرلدی.

ناتار حسین اوغلی مصطفانک کیفیت قتلندن دولای
جنایتله اتهام اولنان محمد بن حاجی حافظک اون بش
سنه مدته کورکه قونلشنه دائر ایچایل سنجاغی بدایت

محکمه سی جزا دائره سندن ايکنجي دفعه اوله رق و بريلان (۱۲۷) نومرولى اعلام

صاوجي لاقى حاجي اسماعيلک استرني قطع طريق صورتيله غصب ايتلرندن دولاي جنبيله اتهام اولنانلر دن بهرام بن عود و معروف بن احمدک اوچر وعده سي بن محمدک الی سنده ملرله کورکه قوللرينه دائر کورک سنجاني بدايت محکمه سي جزا دائره سندن و بريلان (۲۵۳) نومرولى اعلام

ديار بکري امين بن محمد جونک اغنامي معامله جبر و شدت اجرا سيله سرقه تصدي ايتلرندن دولاي جنبيله اتهام اولنان درماسلي فرج بن ابراهيمک اوچر سنده مدته کورکه قوللر سنده دائر سوريه ولايتي استيفاء محکمه سي جزا دائره سندن و بريلان (۱) نومرولى اعلام چکمه کبير قضاسنک انارشه قريه سندن فوطيني جرح ايله تعطيل عضويه سيبت و برمسندن دولاي جنبيله اتهام اولنان قريه مذکورده انسطاش ولد زافرينک اوچر سنده مدته کورکه قوللر سنده دائر چخاله سنجاني بدايت محکمه سي جزا دائره سندن ايکنجي دفعه اوله رق و بريلان (۱۶۶) نومرولى اعلام

رمضان نام کسسه نك برأس استريله نفود واشيا سنک نهندن دولاي جنبيله اتهام اولنان عباسيه قريه سندن محي الدين بن ميکال و سوار بن محمدک اوچر سنده مدته کورکه قوللرينه دائر موصل سنجاني بدايت محکمه سي جزا دائره سندن و بريلان (۹۱) نومرولى اعلام جمعه قضاسنک حسن کوي قريه سندن مقصود بن سليمک ليلا خانه سنده بالدخول زوجه سي سليمه يي ضرب و جرح و اقچه و اشيا سي دخی اخذ و غصب ايلدکري ادا اولميسندن دولاي جنبيله اتهام اولنان بانوش بن مصطفى و کراجي اسماعيل بن عمرک اون بشر سنده مدته کورکه قوللرينه دائر سرفچه سنجاني بدايت محکمه سي جزا دائره سندن ايکنجي دفعه اوله رق و بريلان (۴۲۵) نومرولى اعلام

ترجان قضاسنک صاري قريه سندن توروحي ولد بدر و حک حيوانا ثانی اخذ و سرقه ايتلرندن دولاي جنبيله اتهام اولنان محي طون و حيدر و حسن و مصطفى و سليمان و محمد ککو و اسماعيل و محمد بن حسنک اوچر سنده مدته کورکه قوللرينه دائر اضر و مولايتي استيفاء محکمه سي جزا دائره سندن و بريلان (۱۴۳) نومرولى اعلام محکمه کبيره سندن دائره سنجيه تصديق اولمشدر

۱۹۹ نومرولى نسخه ده مندرج در سعادت

جنایت محکمه سي اعلامنک بقيه سي :

تفصيلات مسروده دن مستفاد اولديني وجهله طرفنک درميان ايديلان ادا و مدافعاتي و اوراق

مرقومک قا ايله بره قانديني ائناهه قانک کندوسنه باتديني افاده وينه محاکمه ده دخی اوله فعل جرح دن خبري اولديني و اخيراً محل وقعه ده اولان قهوه خانه خارجنده نرزنده اولان بجاغي کشيده ايدوب فقط اورمديني طرزنده بيسان ماده ايله يکديکري ني مناقض کلامده بولنديغدن و مقتول ديگر بريله منازعه ايتامش ايدوکندن قتلک متهم محمد طرفندن ايقاع اولنديني حقه ده بيات و قرائن قاطعه حاصل و مدافعات بخته کلتجه متهم محمدک اغرنده و برونده دم کورلد يکي جمله شهادتدن ايسه ده ابتدا متهم مرقومک مقتول شريفی ضرب ايتک کبي بر فعل تجاوز کارانه ابراز و منازعه يه بادی اولق صقتي احراز ايله يکديکري صاريه رق مضاره ايلدکري ائشاده بالطبع مقنولکده متهم اوهرق برونندن جزئي دم ککش و لو مقتول متهمي آتته آلمش اولسه بيله آلات قاتله و راضه استعمال ايتامش ايدوکی کبي بو معامله سي جريجه دار اولسي اوزرينه جان هوليله ده وقوعوش اوله جفتدن قتلک مدافعه نفس يولنده و مقابله صورتنده ايقاعه ذهاب باطل اولسه ميني متهمک انکار و تأويلاتي و وکلنک مدافعاتي غير مقبول کورنمکه و الحاصل متهم محمدک اوچوز اون سکر سنده سي قانون تائيسنک اون طقوزنجي کوني غلطه ده قلفات يرنده طاش اسکله ده کاش مصطفانک قهوه خانه سنده بر آلاچي مسئله سندن طولايي بيلرنده حادث اولان منازعه ده بالتهور شريفی جرح و قتل ايلديکي تبين ايتمکه اول صورتله مجرميته جرمک ثبوتنده اتفاق و نوعنده اکثریت ثلثان آرا ايله قرار و يريله رک محاکمه اوپله سنده عودته قرار مذکور علناً قرائت و بيان اولنديقه معاون موسى اليه مجرم محمدک قانون جزانک يوز يتش دردنجي ماده سنده توفيقاً تعيين جزاسني طلب و بيان و وکل مدافع ايله مجرم محمد دخی بشقه ديه جککري اولديني درميان ايلدکريه بوجهت حقه ده محاکمه نک اختامي افهام اولهرق تکرار مذاکره اوپله سنده کيدلدي

جهت جزاييه سي ده مذاکره اولنديقه مجرم مرقومک فعل و حرکتي قانون جزانک يوز يتش دردنجي ماده سنک فقره اولاسنه موافق و فقره مذکورده : « برکيسه من غير تعمد بر شخصي اتلاف ايتش ايسه اون بش سنده مدته کورکه وضع اولنور » عبارته سي ناطق اولديقه ميني مرقوم محمدک اشبو فقره قانونيه حکمنه توفيقاً و ابتدای توقيفي اولان اوچوز يکرمي سنده سي ذي القعه سنک دردنجي کونندن اعتباراً اون بش سنده مدته کورکه قوللر سنده ضبط و اعلام و استطاق خر جاري اولان جمعا يوز الی غروشک دخی مجرم مرقومدن بالتحصيل عدليه

وزنه سنده تسليم ايتديرلسنه اوچوز اون طقوز سنه سي مایسنک يدنجي کوني متفقاً قرار و يريله رک اصول تفهيمي اجرا قلندي

ککبوزده يورمي قيا نام محله صغرتماچ سلياني جرح و قتل ايلديکي ادعاسيله متهم بولنان عارف ايله آمرغير مجبر اولديني ادعاسيله کذلک اتهام قلنان نيقولي حقارنده اجرا قلنان محاکمه نتيجه سنده مرقومادن عارفک تعمداً فعل قتله اجتساري شاهدلرک شهاداتي و معاييه راپوري مندرجاني و دلائل سائرته انضامي ايله ثابت اولديغدن اولوجهله مجرميته و قانون جزانک يوز يتشنجي ماده سنده توفيقاً اعدامنه و ديکرمته نيقولينک اشبو قتل جرمنده آمرغير مجبر اولديني اکلاشيله مدنيغدن آتک دخی برآته ۲۳ اغستوس سنه ۳۱۹ تاريخنده محکمه جناييه قرار و يرلشدر

حيدر باشاده طورسونک تعطيل عضويه سيبت و برديکي ادعاسيله متهم بولنان سليمان بن ابراهيم ايله يکديکري ضرب و جرح ايلدکري ادعاسيله مظنون عليه اولان خليل و حمدي و هاشم و طورسون و حسن چاوش و درويش و يوسف حقارنده اجرا قلنان محاکمه نتيجه سنده مرقومونک اولوجهله افعال مدعا بهايه مجاسرتلري شاهدلرک شهاداتي و معاييه راپوري مندرجاني و امارات سائرته انضامي ايله ثابت اولديغدن سليانک تعطيل عضو و ديکري لرينک ضرب و جرح فعللرينک فاعلاري اولدقلرينه و بولنلر دن سليانک قانون جزانک يوز يتش يدنجي ماده سنده توفيقاً اوچر سنده مدته کورکه قوللر سنده و خليل و حمدي و هاشم و طورسونک يوز يتش طقوزنجي ماده موجبنجه برماه و حسن چاوش و درويش و يوسفک دخی برر هفته مدنلرله حبس ايدلرينه ۲۶ اغستوس سنه ۳۱۹ تاريخنده محکمه جناييه قرار و يرلشدر

اولتقيي بقوشنده رامنرک قتلندن دولايي متهم بولنان حافظ مصطفي حقه ده اجرا قلنان محاکمه نتيجه سنده مرقوم مصطفانک فعل قتل مذکوري انشای منازعه ده بالمقابل ايقاع ايلديکي شاهدلرک شهاداتي و کندوسنک صورت افاده سي و معاييه راپوري مندرجاني ايله ثابت اولديغدن اولوجهله مجرميته و قانون جزانک يوز سکان طقوزنجي و بوز طقسايجي ماده لري احکامنه توفيقاً برنجي سنده مدته حبسه و بش سنده دخی ضابطه نظارتی آتته بولنديرلسنه ۲۶ اغستوس سنه ۳۱۹ تاريخنده محکمه جناييه قرار و يرلشدر

خاصکوبده بوزا خانه جاده سنده قلفات محلنده ابراهيمي جرح ايله صاغ کوزني رؤيتسندن محروم

ايتديکي ادعاسيله متهم اولان سبطاي بخارک اجرا قلنان محاکمه سي نتيجه سنده مرقومک فعل مذکورده جرأت ايلديکي اخبارات و معاييه راپوري مندرجاني و دلائل سائرته ايله ثابت اولديغدن مجرميته و قانون جزانک يوز يتش يدنجي ماده سنده توفيقاً اوچر سنده مدته کورکه قوللر سنده ۲۸ اغستوس سنه ۳۱۹ تاريخنده محکمه جناييه قرار و يرلشدر

قرا تخانه جي عارف افنديکي کيفيت قتلندن دولايي متهم بولنان مقصود و فراري عبد الصمد ايله مقتول مرقومک کریمه سي زهرا حقارنده اجرا قلنان محاکمه نتيجه سنده مرقومان مقصود و عبد الصمدک مقدما قتل مذکور دن دولايي اعداملرينه قرار و يريلان و حقارنده کي اعلام محکمه کتميزجه مصدق بولنان علي و حسنک شريکي اولدقلري و زهرانک دخی مرقومانه معاونت ايلديکي کندولرينک اقرارلري و معاييه راپوري و دلائل سائرته ايله ثابت اولديغدن مرقوموندن مقصود و عبد الصمدک قاتل متعدد و زهرانک دخی معين قاتل اولق اوزره مجرميتلرينه و مقصود و عبد الصمدک قانون جزانک يوز يتشنجي ماده سي موجبنجه اعداملرينه و فراري مرقومک قانون مزبورک اوتوز برنجي ماده سي منطوقجه حقوق مدني دن اسقاطنه و ذاتاً محجوز بولنان اموالک اصولي دائره سنده اداره ايتديرلسنه و زهرانک دخی حين وقعه ده اون درت ياشنده بولنديني اکلاشليغدن قانون جزانک يوز يتش بشنجي ماده سنده توفيقاً جرمک مستلزم اولديني اوچر سنده کورک جزا سنک قرقچي ماده موجبنجه ربي اولان طقوزماه مدته حبسه ۳۰ اغستوس سنه ۳۱۹ تاريخنده محکمه جناييه قرار و يرلشدر

طاطاوله ده تحفيي ديمتريک خانه سندن سرقه جرأت ايلدکري ادعاسيله متهم بولنان ميخال ولد استاوري ايله قوچو ولد نيقولي حقارنده اجرا قلنان محاکمه نتيجه سنده مرقومادن قوچونک آت مخصوصه استعماليله فعل سرقه جرأتی شاهدلرک شهاداتي و دلائل و امارات سائرته انضامي ايله ثابت اولديغدن اولوجهله مجرميته و قانون جزانک ايکي يوز يکرمنجي ماده سنده توفيقاً اوچر سنده مدته کورکه قوللر سنده و ميخالک مرقومه مشارکتي اکلاشيله مدنيغدن آتک دخی برآتنه ۳۰ اغستوس سنه ۳۱۹ تاريخنده محکمه جناييه قرار و يرلشدر

مجاملات انتباهيه

مولوه قضاسي بدايت محکمه سي مدعي عمومي

معاوني و کلي پوليس قدری افنديک کنديسنه توديع اولنان اوراقي وقت و زمانيله اعاده ايتامک صورتيله امتداد موقوفه سيبت و يرمش و اعلا مات احکامني انفاذ ايتامش اولميسندن طولايي محاکمه آتته آلمسه جزاير بحر سفيد ولايتي استيفاء محکمه سي مدعي عمومي کسندن کونديرلان اوراق تحقيقه اوزرينه عدليه نظارت جليله سندن مأذونيت اعطا و مذکور مدعي عمومي کده تبليغات مقتضيه اجرا ايدلشدر

اعلانات

ايلنجي تجارت محکمه سنده :

درعليه زندان قپوسنده اخي چلي محله سنده ۱۵۲ نومرولى دکانده مقيم بيرجي پترو ولد استراطينک ۲ ايلول سنه ۳۱۹ تاريخندن اعتباراً اعلان افلاسه و مصالح افلاسيه نك رؤيت و تسويهي ضمتنده اعضاي محکمه دن سعادتلو رضا بک زور قوميسر و دعوي و کيللرندن شايحي اوغلي انسطاش و بدوسا کي قوليديس افنديلرک موقت سنديک تعينلرينه و مغازه سيله اشياي زائده يتيه سنک تمهيرينه و اوراق و دفاترينک جلبنه و کندوسنک کفالتله ربطه و بوياده کي قرارک موقه اجرا سنده ايکنجي تجارت محکمه سندن قرار و يرلش اولديغدن قانوننامه تجارتک ۱۷۰ نجی ماده سي موجبنجه دائمي سندنیکر انتخاب اولنق اوزره ۳۱۹ سنه سي ايلولنک اون بشنجي بازار ايرتسي کوني ساعت يدي راده لرده اصحاب مطلوبک محکمه مذکورده نك افلاس اوپله سنده کلاري لزومي اعلان اولنور

ماربوشچيلرده اتکيجي فروني خانی آتته مقيم شمسيه جي نسيم اروواسک ۲ ايلول سنه ۳۱۹ تاريخندن اعتباراً اعلان افلاسه و مصالح افلاسيه نك رؤيت و تسويهي ضمتنده اعضاي محکمه دن سعادتلو جيل بک زور قوميسر و دعوي و کيللرندن قسطا کي مایو بوس افندينک موقت سنديک تعينلرينه و مغازه سيله اشياي زائده يتيه سنک تمهيرينه و اوراق و دفاترينک جلبنه و کندوسنک کفالتله مصدقه ارايه ايدمه ديکي تقدريده توقيفه و بوياده کي قرارک موقه اجرا سنده ايکنجي تجارت محکمه سندن قرار و يرلش اولديغدن قانوننامه تجارتک ۱۷۰ نجی ماده سي موجبنجه دائمي سندنیکر انتخاب اولنق اوزره ۳۱۹ سنه سي ايلولنک اون يدنجي چهارشنبه کوني ساعت يدي راده لرده اصحاب مطلوبک محکمه مذکورده نك افلاس اوپله سنده کلاري اعلان اولنور

غلطه ده سينانلى خاندنه ساكن ايكن ايكنجي محكمه تجارندن افلاسه حكم اولنش اولان ذخيره تاجرى ۱. د. پاپا اورامدينك خصوصات افلاسيه سنك رؤيت وتسويه سي ضمننده دعوى وكيللرندن خريسا- نطوس طومايديدس افندى اصالة سنديك تعيين قلمش اولديغندن مفلس مرقوم ذمتنده الاجنى اولانلرك قانوننامه تجارتنك ۱۹۹ و ۲۰۰ نجى ماده لرى موجبجه تحقيق ديون ايچون تاريخ اعلاندن اعتباراً يكرى كون ظرفنده سنداتى محكمه كاتبنه تسليم ايللرى ومدت مذكوره ختامندن صكره اوچ كونده يعنى ۳۱۹ سنه سي ايلولنك يكرى ايكنجي بازار ايرتسى، يكرى اوچنجى صالى ويكرى دردنچى چهارشنبه كونلرند ايكنجى محكمه تجارتنك افلاس او طه سنه كلرك سنديك افندى مواجهه سنده الاجقلىرى اثبات وقيد وتصديق ايتديرملرى ومدت مذكوره ده اثبات وجود ايدمىان الاجقولىر حقنده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور.

تكمفور طاغى نجات محكمه سنده :

تكفور طاغىك پاپااخاريه محله سنده مقيم ايكن تكفور طاغى تجارتنك محكمه سندن افلاسه حكم اولنش اولان بقاليه تجارندن قسطنطى طرياندا فيلدينك خصوصات افلاسيه سنك رؤيت وتسويه سي ضمننده دعوى وكيللرندن طوماس و اورام افنديلر اصالة سنديك تعيين قلمش اولدقلىرندن مفلس مرقوم ذمتنده الاجنى اولانلرك قانوننامه تجارتنك يوز طقسان طقوز وايكييوزنجى ماده لرى موجبجه تحقيق ديون ايچون تاريخ اعلاندن اعتباراً يكرى كون ظرفنده سنداتى محكمه كاتبنه تسليم ايللرى ومدت مذكوره ختامندن صكره اوچ كونده يعنى اوچيوز اون طقوز سنه سي ايلولنك اون اوچنجى جمعه ايرتسى واون بشنجى بازار ايرتسى واون التنجى صالى كونلرى محكمه مذكوره نك افلاس او طه سنه كلرك سنديك افنديلر مواجهه سنده الاجقلىرى اثبات وقيد وتصديق ايتديرملرى ومدت مذكوره ده اثبات وجود ايدمىان الاجقولىر حقنده قانون مذكورك ايكييوز اوننجى ماده سنه توفيقاً ايفاي معامله اولنه جنى اعلان اولنور.

اعلامات نظامه اجرا دائره سنده :

قدره ديون عموميه اداره سنك اعشار ماترملرندن قدم اغا ذمتنده الاجنى اولان مبالغك تأمين استيفاسى ايچون مرقومك مالى اولوب اولجه حيز اولنان صناعيه اسكه سنده تخميناً ايكييوز اللى چكى خطبك فروختى

قدره بدايت محكمه سنك اشعارى اوزرينه قرارلشد- يرلش اولديغندن تاريخ اعلاندن اعتباراً اوچ كون صكره ايلولك بشنجى جمعه كوني ساعت درنده بالمزايدة فروخت ايديله جكندن طالب اولنلرك محل مذكوره حاضر بوللرى درسعادت اعلامات نظاميه اجرا دائره سندن اعلان اولنور.

الكمه بيات محكمه سي اجرا دائره سنده :

حاجى شاكر افنديك، سبوح اغا ورثه وزوجه سي دوريك قادين ذمتنده با اعلام الاجنى بولنان مبالغدن طولايي حيز اولنان بك اوغلنده قمر خاتون محله سنده قالسونجى قوللغى جاده سنده برطرفى چيچوپولونك ميخانه سي ديكر طرفى مديونه دوريك قادينك عرصه سي و طرف ديكرى چيچك زقانى و طرف رابى طريق عام ايله محدود تخميناً سكران آرشوندى عبارت ۶۶ و ۶۸ و ۳۰ نومرولى ايكنى باب دكان عرصه سي دروننده مستقر كدكك نصف حصه سي ليرا يوز غروش حسابيله اون بش بيك غروشده طالبى عهده سنده وينه محل مذكوره برطرفى چيچوپولونك پروكار دكانى و آرقه طرفى چيچوپولونك ميخانه سي و طرف ديكرى چيچك زقانيه محدود تخميناً اوتوز آرشوندى عبارت ايكنى نومرولى دكانك نصفى ليرا يوز غروش حسابيله عندالمزايدة سكر بيك بشيوز غروشده طالبلىرى عهده سنده تقرر ايدرك تاريخ اعلاندن اعتباراً بر ماه ختامنده اجرا قانونى احكامنه توفيقاً قرار قطعىلى و بيله چكى جهته يوزده بش ضميمه زياده يه طالب اولنلرك مدت مذكوره ظرفنده اسكدار بدايت محكمه سي اجرا دائره سنه مراجعت ايللرى اعلان اولنور.

چتالجه بيات محكمه سي اجرا دائره سنده :

قره برون قريه لى عزيز اغانك اعشار التزامندن طولايي چتالجه ديون عموميه اداره سنه مديون اولديغى مبالغ معلومه نك تأمين استيفاسى ضمننده مرقومك قريه مذكوره داخلنده جانب يمينى موسى داي باغچه سي جانب يسارى وجهه سي طريق و آرقه جهتي دوه لك ايله محدود بر بچق دوم باغچه سي مجديه اون طقوز غروش حسابيله التيويزيكرى غروشده طالبى عهده- سنده تقرر ايدرك موقتاً قرار داده سي كشيده قلمش اولمغله يوزده بش ضم ايله زياده يه طالب اولنلرك ني اچله ليله برابر تاريخ اعلاندن اعتباراً اوتوز بركونه قدر چتالجه بدايت محكمه سي اجرا دائره سنه مراجعت ايللرى اعلان اولنور.

چتالجه قصبه سنده مقيم زاندارمه پياده نقرى شهر كويلى احمد اغا ابن عمر ك لازارى قريه لى مختار سابق موسقو ولد قسطنطى ذمتنده ايكنى قطعه اعلام نظامى موجبجه الاجنى اولان مبالغ معلومه نك تأمين استيفاسى ضمننده محكوم مرقومك لازارى قريه سنده كوى اوستنده شفتالى بيكار موقعنده جانب يمينى صيغرميدانى، جانب يسارى دكرمان ترلاسى، جبهه سي ينه دكرمان ترلاسى، آرقه جهتي قره جه كويلى آيو- ستولاكى ترلاسى ايله محدود درتيوز ذراع عرصه اوزرينه انشا اولنش بر باب كار كير يل دكرمانى مجديه يكرى غروش حسابيله التى بيك غروشده طالبى عهده سنده تقرر ايدرك موقتاً قرار داده سي كشيده قلمش اولمغله يوزده بش ضم ايله زياده يه طالب اولنلرك ني اچله ليله برابر تاريخ اعلاندن اعتباراً اوتوز بركونه قدر چتالجه بدايت محكمه سي اجرا دائره سنه مراجعت ايللرى اعلان اولنور.

چتالجه قصبه لى چرچى اوغلى طناشك چتالجه املاك هايون اداره سنه جهت كفالتدن طولايي با اعلام نظامى محكوم به دينى بولنان مبالغ معلومه نك تأمين استيفاسى ضمننده مرقومك قصبه داخلنده طوقلى نام زقاقده متصرف اولديغى معلوم الحدود بر باب خانه نك اونبرسهم اعتباريله اوچ سهجى ليراي عثمانى يوز غروش حسابيله بيك يوز وقصه مذكوره مرعاسى حدودى داخلنده اورته يولده بردونم ترلانك التى حصه اعتباريله ايكنى حصه سي اللى وبش قواق موقعنده اونبر دوم ترلانك كذلك التى حصه اعتباريله ايكنى حصه سي يوز وينه موقع مذكوره التى بچق دوم ترلانك التى حصه دن ايكنى حصه سي يوز و بند اوستى نام موقعده يكرى بش دوم ترلانك التى حصه دن ايكنى حصه سي يوز اللى وقوملق موقعنده ايكنى دوم اوچ اولك باغك التى حصه دن ايكنى حصه سي اللى واورته يول موقعنده بر دوم ايكنى اولك ترلانك التى حصه دن ايكنى حصه سي يكرى وينه موقع مذكوره التى دوم ايكنى اولك ترلانك التى حصه دن ايكنى حصه سي يكرى وبش دوم ترلادن التى حصه دن ايكنى حصه سي اللى غروشده طالبى عهده سنده تقرر ايدرك موقتاً قرار داده سي كشيده قلمش اولمغله يوزده بش ضم ايله زياده يه طالب اولنلرك ني اچله ليله برابر تاريخ اعلاندن اعتباراً اوتوز بركونه قدر چتالجه بدايت محكمه سي اجرا دائره سنه مراجعت ايللرى اعلان اولنور.